

卷 3 神日本磐余彦天皇 神武天皇

神日本磐余彦天皇 諱彦火々出見 彦波瀲武盧鳥茲鳥草葺不合尊 第四子也 母曰玉依姬 海童之少女也 天皇生而明達 意確如也 年十五立爲太子 長而娶日向國吾田邑吾平津媛爲妃 生手石耳命 及年卅五歲 謂諸兄及子等曰 昔我天神 高皇產靈尊 大日靈尊 舉此豐葦原瑞穗國 而授我天祖彦火瓊杵尊 於是 瓊杵尊 關天關披雲路 駟仙蹕以戾止 是時 運屬鴻荒 時鍾草昧 故蒙以養正 治此西偏 皇祖皇考 乃神乃聖 積慶重暉 多歷年所 自天祖降跡以逮 于今一百七十九萬二千四百七十餘歲 而遼邈之地 猶未霑於王澤 遂使邑有君 村有長 各自分疆 用相凌躐 抑又聞於鹽土老翁 曰 東有美地 青山四周 其中亦有乘天磐船而飛降者 余謂 彼地 必當足以恢弘大業 光宅天下 蓋六合之中心乎 厥飛降者 謂是饒速日 歟 何不就而都之乎 諸皇子對曰 理實灼然 我亦恆以爲念 宜早行之 〇是年也 太歲甲寅

BC667. 10. 05

其年冬十月丁巳朔辛酉 天皇親帥諸皇子舟師東征 至速吸之門 時有一漁人 乘艇而至 天皇招之 因問曰 汝誰也 對曰 臣是國神 名曰珍彦 釣魚於曲浦 聞天神子來 故即奉迎 又問之曰 汝能爲我導耶 對曰 導之矣 天皇勅授漁人椎木篙末 令執而牽納於皇舟 以爲海導者 乃特賜名 爲椎根津彦【椎 此云辭田比】此即倭直部 始祖也 行至筑紫國菟狹【菟狹者地名也 比云宇佐】時有菟狹國造祖 號曰菟狹津彦 菟狹津媛 乃於菟狹川上 造一柱騰宮 而奉饗焉【一柱騰宮 此云阿斯田比苔徒鞅餓離能宮】是時 勅以菟狹津媛 賜妻之於侍臣 天種子命 天種子命 是中臣氏 之遠祖也

BC667. 11. 09

十有一月丙戌朔甲午 天皇至筑紫國岡水門

BC667. 12. 27

十有二月丙辰朔壬午 至安藝國 居于埃宮

BC666. 03. 06

乙卯年春三月甲寅朔己未 徒入吉備國 起行館以居之 是曰高嶋宮 積三年間 脩舟木戢 蓄兵食 將欲以一舉而平天下也

BC663. 02. 11

戊午年春二月丁酉朔丁未 皇師遂東 舳艫相接 方到難波之碕 曾有奔潮太急 因以名爲浪速國 亦曰浪花 今謂難波訛也【訛 此云與許奈磨盧】

BC663. 03. 10

三月丁卯朔丙子 遡流而上 徑至河內國 草香邑青雲 白肩之津

BC663. 04. 09

夏四月丙申朔甲辰 皇師勒兵 步趣龍田 而其路狹嶮 人不得並行 乃還更欲東踰膽駒山 而入中洲 時長髓彦 聞之曰 夫天神子等所以來者 必將奪我國 則盡起屬兵 徼之於孔舍衛坂 與之會戰 有流矢中五瀨命 肱脛 皇師不能進戰 天皇憂之 乃運神策 於冲衿曰 今我是日神子孫 而向日征虜 此逆天

道也 不若 退還示弱 禮祭神祇 背負日神之威 隨影壓躡 如此 則曾不血刃 虜必自敗矣 僉曰 然 於是 令軍中曰 且停 勿須復進 乃引軍還 虜亦不敢逼 却至草香之津 植盾而爲雄誥焉 【雄誥 此云烏多鷄糜】因改號其津曰 盾津 今云蓼津訛也 初孔舍衛之戰 有人隱於大樹 而得免難 仍指其樹曰 恩如母 時人因號其地 曰 母木邑 今云飢悶迺奇訛也

BC663. 05. 08

五月丙寅朔癸酉 軍至茅渟山城水門 【亦名山井水門 茅渟 此云智怒】時 五瀨命 矢瘡痛甚 乃撫劍而雄誥之曰 【撫劍 此云都盧耆能多伽彌屠利辭魔屢】慨哉大丈夫 【慨哉 此云宇黎多棄伽夜】被傷於虜手 將不報而死耶 時人因號其處 曰雄水門 進到于紀國竈山 而 五瀨命 薨于軍 因葬竈山

地圖・山・3D-CG by 武田尚志 (Aries)

